

**OPĆINA CENTAR SARAJEVO****Općinski načelnik**

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 25. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), načelnik Općine Centar je, dana 29.09.2015. godine, verificovao i donio

**ODLUKU****O KOREKCIJI REGULACIONOG PLANA "BREKA"**

## Član 1.

Usvaja se korekcija Regulacionog plana "BREKA" (u daljem tekstu: korekcija Plana).

## Član 2.

Korekcija plana se odnosi na stvaranje uvjeta za izgradnju stambenog objekta maksimalnih dimenzija 8 m x 10 m i spratnosti SP1 Pt, na mjestu postojećih pomoćnih objekata, na parceli k.č. 691 K.O. Sarajevo V. Kolski prilaz objektu je omogućen sa postojeće pristupne saobraćajnice, kako je prikazano na grafičkom prilogu br. 2.

## Član 3.

Korekcija Plana sastoji se iz tekstualnog dijela i 2 grafička priloga koji su predmet korekcije.

Tekstualni dio i grafički prilozi korekcije Plana su sastavni dio Regulacionog plana "BREKA" ("Službene novine Kantona Sarajevo", broj 34/11).

## Član 4.

Korekcija Plana je rađena za faze urbanizma i saobraćaja, a obaveza investitora je da za faze komunalne infrastrukture izvrši usaglašavanje Korekcije Plana sa Idejnim rješenjima, koja su sastavni dio Regulacionog plana "BREKA", te pribavi saglasnosti nadležnih javnih komunalnih preduzeća.

## Član 5.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Centar, Zavoda za planiranje razvoja Kantona Sarajevo, Gradske uprave i Ministarstva prostornog uređenja i zaštite okoliša Kantona Sarajevo.

## Član 6.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 07-23-2859/14 Općinski načelnik  
29. septembra 2015. godine **Dževad Bećirević, s. r.**  
Napomena: Objavljeno na oglasnoj ploči Općine Centar 29.09.2015. godine.

**OPĆINA NOVO SARAJEVO****Općinsko vijeće**

Na osnovu člana 13. Zakona o principima lokalne samouprave u Federaciji BiH ("Službene novine Federacije BiH", broj 49/06 i 51/09), člana 19. i 93. Statuta Općine Novo Sarajevo ("Službene novine Kantona Sarajevo", broj 35/10), a u vezi člana 25. Statuta mjesne zajednice ("Službene novine Kantona Sarajevo", broj 30/12), Općinsko vijeće Novo Sarajevo, na 33. sjednici, održanoj dana 30.09.2015. godine, donijelo je

**ODLUKU****O IZMJENAMA I DOPUNAMA ODLUKE O  
VERIFIKACIJI MANDATA ČLANOVIMA SAVJETA  
MJESNIH ZAJEDNICA NA PODRUČJU  
OPĆINE NOVO SARAJEVO**

## Član 1.

U članu 1. stav 1. podnaslov MZ "Dolac", pod rednim brojem 2., član Savjeta Mirvić Zajko, zamjenjuje se novim članom Savjeta - Mišić Zahid i nastavlja se postojeći tekst.

## Član 2.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-05-651/2015  
30. septembra 2015. godine  
Sarajevo

Predsjedavajući  
Općinskog vijeća  
Novo Sarajevo  
Dr. **Igor Gavrić, s. r.**

Na osnovu člana 19. alineja 2. i člana 141. stav 2. Statuta Općine Novo Sarajevo ("Službene novine Kantona Sarajevo", broj 35/10) i člana 22. Odluke o izvršavanju Budžeta Općine

Novo Sarajevo za 2015. godinu ("Službene novine Kantona Sarajevo", broj 01/15), Općinsko vijeće Novo Sarajevo, na 33. sjednici, održanoj dana 30.09.2015. godine, donijelo je

**ODLUKU****O IZDVAJANJU IZ SREDSTAVA REZERVNI BUDŽETA  
OPĆINE NOVO SARAJEVO ZA 2015. GODINU**

## I

Sredstva u iznosu od 15.000,00 KM, izdvajaju se iz budžetske rezerve i usmjeravaju se za finansiranje rada sljedećih boračkih udruženja:

- Udruženje RVI Novo Sarajevo 10.000,00 KM
- Udruženje Patriotska liga Novo Sarajevo 5.000,00 KM

## II

Sa udruženjima iz tačke I ove Odluke Općinski načelnik, putem Službe za oblast boračko-invalidske zaštite, zaključit će ugovore kojim će se regulisati prava i obaveze potpisnika ugovora, a u skladu sa Odlukom o izvršavanju Budžeta Općine Novo Sarajevo za 2015. godinu.

## III

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-14-2056/2015  
30. septembra 2015. godine  
Sarajevo

Predsjedavajući  
Općinskog vijeća  
Novo Sarajevo  
Dr. **Igor Gavrić, s. r.**